

Nerealna obećanja o zapošljavanju daju lažnu nadu stanovnicima rudarskih oblasti u Jugoistočnoj Evropi i bespotrebno odlažu neminovnu tranziciju energetskega sektora ka obnovljivim izvorima energije. Rad većine ovih termoelektrana i rudnika je već sada ekonomski neisplativ, a nastavak subvencioniranja ovog sektora nije održiva opcija. Iz tog razloga je potrebno hitno napraviti i provesti plan preusmjerenja privrede ovih lokalnih zajednica, zaključak je najnovijeg izvještaja CEE Bankwatch mreže, u čijoj su izradi učestvovali i predstavnici nevladinih organizacija iz Jugoistočne Evrope.

„Za razliku od većine rudnika i termoelektrana u regionu, broj radnika u termoelektrani Gacko je u porastu. Elektroprivreda Republike Srpske sama je izašla sa objašnjenjem da je ovakav potez pokušaj da se riješi nezaposlenost u Republici Srpskoj, umesto da je iznijela tvrdnje o neophodnosti ovakvih radnih mesta. Očigledno je da su nova radna mjesta politički motivisana, jer ne postoji nikakvo razumno opravdanje za istim”, istakla je Duška Kudra iz Centra za životnu sredinu.

„Vlade u regionu tvrde da je industrija uglja održiva i tim izjavama samo obmanjuju građane. Fosilna industrija umire i obećanja da će se otvarati nova radna mjesta države radnike i lokalne zajednice zarobljene u nerealnim obećanjima”, naglašava Iona Ciuta, koautorica studije i koordinatorica sektora energije u Bankwatchu i dodaje: „Istovremeno, broj radnih mjesta u sektoru obnovljivih izvora energije u Evropskoj uniji dostigao je brojku od 1,5 milion i još uvijek raste. Upravo su to alternative za nova radna mjesta koje vlade trebaju da nude svojim građanima”.

„Priče o izgradnji novih termoelektrana su odvlačenje pažnje od realnosti situacije pošto će rudnici ionako morati drastično smanjiti broj zaposlenih. Nažalost u protekle dvije decenije niti jedna vladajuća garnitura u BiH nije bila dovoljno hrabra da se uhvati u koštac sa ovim problemom i pokrene društveno odgovorne procese kojim bi se broj zaposlenih u rudnicima racionalno smanjio”, rekao je Denis Žiško iz Centra za ekologiju i energiju.

Kako stoji u izvještaju, sve vlade zemalja Jugoistočne Evrope, pa tako i vlasti u Bosni i Hercegovini moraju prestati sa preuveličavanjem mogućnosti za zapošljavanje u sektoru uglja i početi da razmatraju druge načine za stimulaciju zaposlenosti, posebno u sektoru obnovljivih izvora energije. Porazna je činjenica da odgovorni u Bosni i Hercegovini ne rade na pripremi realnog plana za transformaciju energetskega sektora i tvrdoglavo odbijaju da slijede primjere zemalja Evropske unije.

Izvor: czzs.org